

وطن تاني؟!

أنا عشت فيك يا وطن..

محرومه م الضحكه

محروم وريدي النفس

وباموت عشان تبقا

لا ف يوم علي صوتي..

ولا قولت يوم لأه

وكياني جوه سكوت..

ومعاك ماهيش فارقه

ومحوطة شوفي..

متلجمة حروفي..

بالتوهة والخنقه

محرومه اشوف بكره

وارسم صور لابني



محرومه من شمسي

تشرق ما بين حضني

وتعبت من خوفي..

من حبسة الآهه

عرقانه ف دموعي

والضحكة فايताها

كان نفسي فيك ياوطن

ضمه بتحضن قلب

وشراع أمان مرفوع

من فوق سفينة حب

كان نفسي فيك ياوطن

هدمه بتستُرنا

لا ف يوم تعرّي البدن

وتموت ضمايرنا

كان نفسي فيك ياوطن

نُبِّعِين حنان وأمان

أتاريك بتوب الوهن

توبي كمان متهان

كان نفسي فيك ياوطن

ضلّة وقمرايه

فرحة وليد نبّتت

لزهره جوايا

أتاريك لغيري وطن

وأنا بارفع الرايه

سيبت الغيلان ف الليل

ياكلوا في لحمي ليه؟

مش جسمي ده اللي حما

عرضك وأرضك بيه



كان حبي ليك ياوطن

غنوايه ف لساني

ودمي سال يرويك

وغطَّا أكفاني

هل بعد موتي فيك

راح اشوف وطن تاني ! ??

....